

夏生齋詩集

卷七之八



07685

更生齋詩卷第七

西圃疏泉集

競渡燈船行

燈船尙隔三條橋寶氣已復衝層霄三橋百巷密如櫛
波上歷歷人聲囂須臾赤焰將橋鎖分半樓臺燭光裏
林鴉林鵲驚四飛鴉背鵲頭都帶火忽然龍爪攫半空
千人萬人看燭龍橋回風勢亦稍緩龍忽正面停波中
橋南百尺波如沸龍甲龍鱗照天地妖狐竄水魚登岸
光景欲從何處避綠楊枝頭閣幾層無數紅袖圍紅燈
船燈直與閣燈接咳吐落處雲霞烝百舟迎龍百舟送

更生齋詩卷第七

別有百舟排不動三更以後抵北關一派火光飛入衙
鉦聲已遠簫聲起裊裊聲驚入雲裏蜻蜓舟小琉璃暗
有客添衣出蓬底雲溪我住三十年客夢只落雲溪邊
同船復向溪上過衫影笠影人疑仙曙光瞳瞳斷更鼓
千萬燭光收入浦君不見何如天上兩燈忙圓月乍傾
圓日吐

跋錢三維喬自製壙銘及三幻圖說後

雖非祖道電河干

易水名電河

紙上蕭蕭風色寒君是生魂

我生輓銀牋聊當白衣冠

太虛偶爾綴微塵詎有前身與後身多少樓臺雜松竹
君皆疑幻我疑真

宗忠簡祠

六百年來氣不磨江干遺廟鬱嵯峨迎門九派東歸海
卧榻三呼北渡河裏銅駝餘涕淚望中鐵騎敢經過
劉琨祖逖應同傳未了忠心尙枕戈

陳少陽祠

少陽祠外駐征輪國士應知俎豆尊已覺舉朝忘二帝
不妨在野蹈三仁捐軀子諒彈仙客並世朱雲值佞臣
一樣書生心跡異酋前叩馬又何人

城渡橋訪明唐襄文讀書處

荆川臺址尙崢嶸卜宅當時愧未曾

余戊午乞假回將卜居于此後不果

君慕古人三不朽我甘世事百無能牛腰卷軸傳難必

更生齋詩卷第七

二

馬革功名謗已騰何似掩關長却掃白頭仍擁讀書燈
讀晉書偶成

剩得荆揚半壁天偏安王氣尙綿延生憎謝客稱山賊
死笑孫恩作水仙南渡化龍纔幾日北來飲馬是何年
茫茫萬里中原土只惜無人肯著鞭

七夕京口淩江閣待友人不_二至率成四絕卽寄張文學
崑郭孝廉堃暨及門于生淵

兩株高樹倚檐前却擁秋衾自在眠絡緯乍停蟬又響
曉霞紅入寺門鮮

煉丹臺畔值佳辰也買甘瓜向曉陳不敢更談天上事
久安心作謫仙人

北固潮頭未肯降，忽驚人影出蓬窗。
誰言一葉舟偏小，滿帶秋聲過北江。

年來百事總闌珊，門外江流亦漲灘。
一枕水窗眠未醒，算來還比白鷗閒。

是日過聽秋軒飯，并觀瓜果筵。作

華堂乞巧筵，商略祀牛女。
天邊瓠包星，筵上戲摘取。
華堂乞巧筵，商略坐宵永。
離角牽牛花，迢迢妒星影。
陰晴客不知，榮悴草無語。
門前洗手花，門外洗車雨。
天孫踏鵲橋，中隔雲一片。
靈鵲不擡頭，何由見仙面。
千聲與萬聲，蛩響一何切。
天邊方停梭，地上已促織。
天上星神過，人間兒女忙。
欲知霄漢事，除問杜蘭香。

攜子生淵夜半剪江至焦山

百尺驚濤內，呼舟半晚過。
夜帆明蟬蛩，秋浪狎龜鼉。
舊雨南徐少，回風北固多。
到山山已黑，撼樹且高歌。

焦山

山頭高士壟，山下大江湖。
一柱中流兀，千年古像凋。
猶凌北固名，欲並南譙山本名譙山。
且把心香熟，魚龍未敢

驕。

張秀才學仁寄槎圖

家山同百里，各復感飄蓬。
我在昆侖上看君，滄海東枕
戈馳遠夢，振袖揖長空。
咫尺天河近，無須更使風。

吾鄉錢生履坦在南昌，日作梅花卷。
子寄萬刺史廷蘭。

到日正值刺史八十四壽辰因繪爲長卷刺史并作
詩紀事邀同人共賦

此梅公手植梅壽亦輸公却喜南枝早香浮北屋中老
來長句健客到一尊同他日花開處先酬百歲翁

翠屏洲

秋聲塞港口風急船不過江蘆明百頃一叟截江卧游
鱗逐驚蛇居然上舟柁

嘉魚港

大水抱細水水盡波忽動中有百頃潭嘉魚歲堪種食
之可平心兼乏江海夢

種竹軒

更生集詩卷第七

四

百竹綠半村十竹綠一巷人從巷口立時與竹竿撞海
上蟠螭來餘光半軒絳

巨公厓

重來巨公厓石石悉迎客惟餘一石傲壓客險及額石
上雲亦奇孤飛上天直

初九日鄒水部文璵載酒相訪因約同人松寥閣小集
分韻得聲字

難得新涼載酒行酒兵門罷鬥心兵江光入夢仍如練
秋色搏空若有聲悟後雨從衣上落醉餘天向笠邊橫
京華舊事勞重說卧看潮頭滅復生

初十夜山半步月至三鼓始回

出門看山光月色忽無盡簾前秋景好花氣亦徐引江
光山光新月光點入秋色逾蒼涼花香堂前一杯酒杯
底清光無不有三更以後月愈明興發我欲凌波行秋
花倘點頭秋竹若搖手秋鐘冷冷恍開口一風吹人入
竹樓竹樓旁邊茶百甌茶香雖清客沉醉七尺竹牀三
客睡花香亦若憐酒人忽灑花影來周身夜光齊收夜
鐘歇却夢酒魂飛入月

十一夜東昇閣看盂蘭盆放燈作

一燈先出法界樓大魚迎燈爭逆流燈來大魚忽然竄
一鬼一燈擎不亂三燈五燈波面停鬼欲待侶方同行
有時一燈衆鬼擎惹得燈影皆深青燈光時分復時集

更生齋詩卷第七

五

鬼臂壓魚魚直立燈光叢處鬼亦夥魚驚避鬼欲出波
大聲軒然波上起盡捲燈光入雲裏鬼車鬼馬已四飛
燈去鬼伯愁無依洲東洲西萬聲沸鬼氣居然避人氣
樓頭仙客正朗吟激得波響如鳴琴君不見神燈紅鬼
燈綠入海無心競遲速東流燈影西上潮鬼勢瑟縮魚
龍騎

萬刺史廷蘭邀集令子承紀丹徒官解小飲卽席賦贈
萬爲壬申庶常前輩

方壺員島振公名八十年來始合并佳士盡看稱弟子

靈光真欲比先生南遊畫鷁仍須迓時約遊吳門東下日便道過訪

飛蝗偶有聲適有飛蝗過境幸不爲害今日宰官誠不易好傳良法

拯疲氓刺史居官
舊有聲

江口待慧超僧不至却寄一首

松寥高閣不同登一榻慵眠醒未曾僧性
耽嬾我憶放生池

上路秋花病宦與孤僧

月波臺夜坐

月色轉絲天光青松梢盡處明一星星光忽隨白露零
倒射北斗光泠泠星光墮後山光暝竹屋居然覆漁艇
三更向盡吹曉笳海上已復生紅霞

林下二髯圖爲萬刺史昆仲賦

北江一漁舟日昨泊北固欣逢西江叟相與話情慄叟
顏如春髯若戟髯上泠泠流古色北肩令弟何不來與

更生齋詩卷第七

六

共官齋話晨夕見公與公語別公展公圖我題詩贈公
公見應軒渠君不見林泉不復營生計只有公家好兄
弟一執奇書一如意石泉淙淙瀉奇氣石上松花積何
膩山果投林有真味阿兄詩成屬余季老友寥寥亦堪
寄石門前頭百級砌老木千章萬章蔽門外紅塵卽如
沸一山遊完一山替五老八公時把臂我昔亦是神仙
吏謫下九天居九地他時華髮倘下垂曳杖從公共遊
戲

六月二十日偕同人載酒至城東陸氏中隱園看荷花
至二鼓始歸率賦

今年水滿荷花低前後一月稽花期花期忽展六月杪

花朵如盤色逾好陸家荷幹捎城牆隔城薰風沸滿塘
橫舟亭畔一雙燕聞信遠復來尋芳雛鶯縱老尙引吭
蝶翅不待秋間黃花前十客羅百觴過午一一來追涼
花枝迎客若問訊一客一花須坐近坐久未窮花底蘊
花下蛩聲亦殊韵殘蟾出水光何陡花竟嫣然開笑口
看花親切花轉羞花已低頭客濡首花梢蓮實花下藕
花底誰人小垂手引得荷盤貯杯酒月影星光滿盤走
看花旣足酒亦完花外尙有千琅玕深綠影護紅團藥
不須更與花朵語花外鵲聲催客遽一半酒人穿竹去
陸孝廉繼輅洞庭緣樂府

下第才人暗自傷忽驚奇福出尋常龍堂入夜波如海

別展鰈宮作堦鄉

更生齋詩卷第七

七

玉茗花殘閣亦傾是誰拈筆與爭名到頭一例神仙夢
樂府新傳兩柳生

陸公子鎔邀至城北看荷花而客坐正與花相背率賦

一首
時將遊焦山

屋向南頭水北頭背花開讌我殊羞預愁簾幕遮香氣
聊折荷筒抵酒籌有客苦談當世事是誰能代古人憂
深杯到手休辭醉明日征帆向潤州

清泉濯足長卷

門前水屋後山山深深水潺潺紅塵三十年足垢久當
浴尋常一曲流又恐污吾足奇峯千疊谿九回溪流曲

蹙點碧苔客欲濯足時歸來足垢既濯登峯若飛盧敖
仙人世外可期飛空游行有時倦展我北堂三萬卷吉
金樂石東西列嗜硯居然又成癖周秦鑿器唐漢碑硯
材端溪復歛溪何日約客來搜竒我攜蜻蛉舟爾居鴻
雁浦挂帆一日卽詣君與闢一軒談邃古

年來里中賽神之會事事競勝較十年前費已百倍矣
感而賦此時七月望日俗所傳中元節也

令節尋常事奢風幾歲開綺羅裁幟翬金玉裏輿儼神
豈餘威及人爭罄產來徒充里胥橐一日醉三回

鳴鳩圖

占得危巢復幾時滿天風雨劇相思一枝費盡林鳩意

只有山禽總不知

江流斷處有停水數十步荷花盛開偶賦

黃雲昏處盡黃蘆留住荷花世界無渚上鷺絲爲料理

約風三日水平鋪

新構卷施閣成登眺偶賦

萬瓦縱橫內居然時一樓愛從雲盡處看到郭東頭世
味都應熟吾生合少休掃梁迎舊燕相與話初秋

題范秀才來鳳鐵琴詩草

以鐵作簫以鐵作笛何如鐵琴聲出金石琴或以石琴
或以銅何如鐵琴逸響遶空君家鐵琴詩堅古亦如鐵
前古與後古試問欲誰敵一編能窺天地心白電掣屋

霜飛林我攜君詩及鐵琴海上落落求知音

月夜登北固更望金焦二山回途與友人憩演武廳小飲作

更從石脊眺昏黃無盡江流入渺茫百歲過人疑短夢
兩山與月門圓光鷗鷺影逐浮漚沒蟋蟀聲隨墜露涼
北府健兒京口酒算來今日摠尋常

哭同年楊大令倫

一生心術及詩篇都復研摩到昔賢稷契許身聊復爾

君生平作詩服膺杜氏所著杜詩鏡詮二十卷

義皇入夢致悠然填胷卷軸

逾三萬歸骨程途渺七千未敢與君中外叙

予與君皆蔣氏甥君

母則余外家姊也

忘形且自託齊年

登別峯菴望海忽值風雨

夏生齋詩卷之七

九

朝曦色染滄溟綠東望海門如半粟滄溟突處天蕩搖
頃刻已見西來潮象山南頭蒜山尾一舸倒流還數里
風威不敵潮勢狂吹角北岸停帆檣君不見日居萬瓦
鱗鱗內眼暗頭低殊不耐此時懷抱覺暫開足底隱隱
聞驚雷天公似把炎蒸洗東海叱龍龍盡起一晌江都
電影來翠屏洲上紅三里

山中避暑聞同年曾都轉煥將報罷入都却寄一首

野客空山避暑遲正聞輶傳入都時西京鹽鐵何妨論
南國鶯花盡入詩應有功名參計相宜憐風味似經師
愛才一例尤難及報到平安杜牧之

地燈行

五月朔燈高懸不照地乃照天七月晦燈下墜不照天

乃照地燈高懸禮北壇士人云天燈為天地水府而設其實元張士誠有德于蘇常蘇

常之民于其死日懸燈一月以報之託言天地水三官神也天地水府稱三官燈下

墜出東郭幽明教主轄萬族俗傳地藏為幽明教主天燈不接天

僅與星斗聯地燈不貼地都復罩堦砌地燈數比天燈

多五里直接官塘河雜以梵唄兼笙歌千舫百舫燈前

過君不見天燈完地燈接更有水燈波上貼三燈看盡

無燈看秋半皓月升團圓

偶檢故書得三友人遺札各賦一首

通政司副使錢澧

更生齋詩卷第一

十

早年重望出遐陬六詔人文第一流作史舊曾居柱下

建言頻見伏螭頭鷹從鳩化心仍恕蓬自麻生節亦適

君與余同年葉舍人雯崑善嘗共寓居每以名節相易我是庾公樓上客彈章傳

到亦生愁指甲辰年糾陝甘署督畢宮保一事

太子太保提督花連布提督死事尤烈其碑文余在翰林時所擬進也

與余同官貴州交契尤密生平本以志墓文見委故所撰碑文叙其死事頗詳盡云

尺書肯為故人題已值倉皇盡命期生戴頭來知秀實

死餘膽在說姜維蠻荒屢共中宵讌絕微會褰大將旗

君先在金川著功八百里驩休更御送公天上去騎箕君有善馬嗜之

癖成

鳳山縣知縣贈雲騎尉湯大奎

廿年里巷憶同居廟食今看義烈俱

君少時與余同居中河橋委巷中巷

口卽隋陳司徒果仁祠額名英風義烈

未到斷頭先墮指寃憐歸骨尙銜

鬚書埋魚腹濤空沸餉轉羊腸道苦紆

君年前曾解餉甘涼

畢竟

酒人能報國

君尤善飲

霸陵醉尉亦捐軀時解中王麗可亦以佐雜殉節陝西

近築西園將次落成偶賦八截句

堆胷奇氣漸銷磨山不嶙峋水不波只有露臺高百尺

偶然平視到羲娥

薤草澆花久乏人攤書聊剩此閒身不妨我少元章癖

滿架傾歌滿座塵

荷戈歸後鬢初絲未得齋頭睡起遲忽夢天山萬年雪

一燈如豆酒醒時

更生齋詩集第七

二

轉憶童時奉母居三遷遺訓尙欬歐半間板屋孤兒占

聊抵親存侍板輿

心事初冬鬢晚秋祇餘春夏氣仍留旁人莫笑閒居早

五岳遊完住此樓

人說池亭入畫圖臨流時悼影形孤防他春到鳩鳴急

巢好先無婦可呼

作達時時憶樂天尙嫌七十始歸田一止一壑吾應足

不更描摩池上篇

屈指平生志業虛勞勞蹤迹五旬餘東西豎亥行將徧

纔得蝸牛一角居

蔣通判騏昌官興平縣日于土中得漢張騫印一方興

平古槐里也壬戌歲出以相示并屬作一篇以紀

西京世數傳至九文爲仁君武英后張騫鑿空縱萬里
金印何嘗大如斗姓名惟剩玉一拳誰果好事爲流傳
玉方一寸白如雪或者采自黃河源當時開邊承意指
堂邑氏奴同出使隨軍卽以勲得侯終是人間妄男子
功名雖奇意則妄地上行完歷天上惟應地下名不傳
想欲攜之伴深葬騫經絕域我亦經祇少一棹天邊行
伊江傳有故侯碣

伊犁傳有張騫石碣
搜訪究未能得也

搜訪百日終沉

冥四周雖完一角折世上誰能盡完壁漢家末葉益可
傷傳國璽猶輕一擲君不見廢工千載剩荒工故物摩
挲說故侯國土一坏何處覓轉因槐里憶朱游

朱雲槐
里人墓

已無
考

更生齋詩卷第七

七

同里戈裕良世居東郭以種樹累石爲業近爲余營西
圃泉石饒有奇趣暇日出素筴索書目題三絕句贈
之

奇石胷中百萬堆時時出手見心裁錯疑未判鴻濛日
五嶽經君位置來

知道衰遲欲掩關爲營泉石養清閑一峯出水離奇甚
此是仙人劫外山

三百年來兩軼羣山靈都復畏施斤張南垣與戈東郭
移盡天空片片雲

中秋夜坐

天上風初緊人間暑盡收獨搖明月影頻訪市橋秋暗
響蟲藏砌華燈燕出樓年年當此夜坐待曙光流

八月二十日抵甯國同年魯太守銓邀遊北樓并留飲

桂花樹下賦贈二首

自有茲樓復幾年爭傳句好問青天人言李白曾低首

我是洪崖許拍肩不覺玉盤遲出海何訪金粟早開筵

羣仙高會今三度

余與太守同年同門然把晤甚少惟己未歲太守謂選入都會飲二次及

此而

三耳一榻仍容醉後眠

汝穎東西領宰官一麾出守又江干魚頭參政家聲古

鶴背仙人鬢影寒秋老茱萸先釀酒衙荒苜蓿罷堆盤

凌教授欲招飲以此而止

升沉中外誰能記仍作龍華會上看

更生齋詩卷第七

七

半月臺久坐

正值下弦候來登半月臺夢中雙屐遠足底萬屏開闌

世餘喬木流光漬古苔他時闌楯葺

太守欲修北樓及此臺

應許

醉千回

席上喜晤施上舍晉賦贈

十年不遇施居士金粟花開偶來此白須居士金粟花

我鬢亦與霜爭華主人開筵當日夕夕日暉暉照杯赤

我傾一斗君百杯秋老頓覺春風回陵陽仙人作校官

邀我苜蓿餐闌干我嫌苜蓿不救飢却向太守求甘肥

山陰之尊飲不竭滿案溪菱間山栗仙人赤鯉膾作絲

興發不顧琴高嗤青松枝頭碧月來移酒欲上元暉臺

眼前百事不措意，肘後花朵驚齊開。山禽飛回水禽集，
只覺樓高渺難及。何時百尺爲貯梯，時北樓梯拆不得上送我白雲頭上立。

琴溪客館作

拉拉雜雜彈琵琶，蕭蕭瑟瑟開渚花。青天沉沉忽無見，
殘月黯黯生光華。迢迢溪水何方瀉，漠漠山窗已成夜。
膠膠擾擾鷄一鳴，雨點落落煙冥冥。

曉度窮嶺

屏山高萬仞，厚亦徑千尺。空明初日照，表裏恍不隔。甯
知深谷底，夜氣未收墨。白鳥倚樹眠，青蟲抱枝蝕。林稍
開百里，下嶺勢尤仄。天都雖半露，地脉已全坼。平塗無
十步絕頂一關，阨亭午日氣紅楓。林亦齊赤。

更生齋詩卷第七

古

夜宿許村

許村凡五里，路險客難到。回厓視昏旦，絕頂笑夕照。高
低皆萬仞，山石時露竅。昏鴉無樹集，占此社公廟。原北
色已暝，原南赤如燒。蹤疲思托宿，地陷忽如窖。明晨還
屈指卅里路，森峭夜半嚙。語多擔夫時，競道

與程吏部振甲話舊

精廬百里走難停，依舊山排屐齒青。老眼讀碑猶似月，
故人堆鬢已多星。揮毫尙記參旁午，君久值機廷鑿險今看
邁五丁。君尊甫虛谷先生修築嶺南北道幾及百里至
今行人德之君又續修府城中道八門皆徧却喜過庭詩禮在，半傳家法半傳經。

程君欸我于丹工精舍前後凡五日醉後率成二律卽
贈令子待詔洪溥

帶得天都夢來眠石室雲半庭花韵寂一谷草香薰李
白金魚佩羊欣白練裙醉中揮墨嬾且與話離羣

山雲猶帶夢山溜已驚眠林果堆衾上秋蟲出枕邊宿
醒吾尙病縱飲客疑仙間訛諸郎好溪茶手自煎

河西橋太白酒樓歌同汪孝廉燁及程待詔洪溥作

春人不肯留春燕亦難駐秋風開簾帷微黃入山樹山
葉欲落禽驚翔紅樓參差已夕陽一千年上事誰識樓
上有客傾千觴新安茶多苦無酒何似山陰剡溪走仙
人遊戲無定方飛去飛來亦何有我疑黃山六六古未

更生齋詩卷七

十五

開五字那不題元暉不然元暉去後公復來何以長句
不賦空銜杯驚人句好公問天我轉欲問公從前惜哉
仙人蹤跡不稍待祇見樓外山色黯黯谿水鳴濺濺公
前祇有樓公後復有橋石橋千步樓百尺遠視城郭何
迢迢白雲中間立少時適有遠札馳相思時得方明經
如川札約遊
巖寺同遊年少亦清絕瀟灑並若崔宗之君不見樓頭一
派揚之水直下嚴灘復難待故人憶我我憶公雲自歸
山水歸海

烏聊山

女牆沿山百千級客到女牆皆却立城南暝色似拒人
一片昏鴉噪樓集山頽五石皆隕星哭處尙帶天光青

山僧煮茗餽山客五客一人蹲一石

山頭有落星石今裂爲五

太函山

離居幾日無情緒雁尙未來春燕去城頭乾鵲時一雙
咒得蘆花白如絮太函山人晝掩關五客偶復遊茲山
丹正南頭碧潭左一塔對窗如揖我

傍溪菴

西風冷冷響天關炊煙一城飛出山炊煙飛青水煙白
襯得科陽滿江赤新安古刹皆李唐此刹勢復凌層岡
石厓中飛雲縷縷佛頂古苔堆寸許

環峯閣

雲光開處穿飛騎一嶺蓼花紅到地瓜花黃蔓復上天

更生齋詩卷第七

十六

石屋踈踈集秋氣屏風一曲隱一牀窗扇重疊穿朝陽
芙蓉花生溪水死一半遊鱗鏡中紫

留別程吏部

茶香清後酒魂蘇更對奇峯引百壺明日兩重山外路
夢君先欲夢天都

偶向新安踏市塵蕭然六合此閒身煉丹池畔揮千紙
赤鯉先驚化墨鱗

贈沈教授成渭

我愛沈夫子平生見地超鬢秋後葉筆勁午前潮地
僻成鷄市官閒類馬曹醉談先世事七十恍垂髫

贈莊司訓雋甲

我愛莊夫子中年薄宰官

君大挑一等呈改教職

芙蓉開曉晚首

藉笑闌干世事心知熟羣經口誦完俸錢餘數百先約

客晨餐

出郭望天都峯

三爲歙嶺遊一詣天都頂天都頂上人今晨若居井蓮
花何鬱鬱蓮蕊何迢迢蓮峯雖絕竒未與天爭高我雖
憶天都天都不思我天風響空中青紅落雲朵昨登九
子山正面天都峯濶別三十年舉手揖半空芒屨久已
穿遊客亦俱蛻

謂壬辰歲同遊諸君

我憶天都峯無心返吳會

半道宿吳公壁

危途怯宵征百步亦千折我攀飛鳥巢忽覓孤僧室同

百文全齋詩卷第七

十七

儕亦驚喜天上一燈出甬知到天上石屋左右列酌我
山腹泉心空水清澈重陽猶未屆霜露已成雪危梯延
客卧膚凍慘欲裂濛濛衾枕膩嵐翠入窗密燒燈雖未
燼辨色戒行疾出屋望始驚山禽挂枝歌

道中偶得二絕句卽寄洪溥并呈瑤田徵君

煉丹池北小方亭無數山光入幕青贏得閉門三日醉

持螯左手不曾停

易田三禮爨齋史更有魚門五七言怪底郎君家學好

春華秋實實翠篁墩

徵君及文學敦編修晉芳皆篁墩支

山中夜起

山空羣動息木葉已先凋衆響從何至天風與蕩搖砌

涼蟲語寂閣暗鼠聲囂夜半催人發新霜幕外飄霜降節在

重陽日時
甫月初五

重陽日霜降

白衣方送酒青女正飛霜聊記重陽節今年在下洋

唐二軼華罷東流縣尉寓居皖口已二十年昨得問訊

書作此奉荅并勸歸里

唐本名鵬後以字行

昔年曾住屋西頭薄宦離家已卅秋彭蠡九江時北望

廟溝一水尚南流君舊居也踏殘春草思前度數到晨星憶

舊遊正隴近聞荒翳甚待君歸更理余楸

見落葉有感

年已迫遲暮無復少壯時落葉旣辭樹終難上故枝今

更生齋詩集卷七

十八

年故枝衰明歲新枝好亦如人代謝子老孫復抱明年

春異今年春老人衰遲喜抱孫花開千回落千徧孫復

抱孫吾不見

乘月行宣城道中

葉葉隨風逐去程半空殘月出殘更秋林紅到傷心處

先有曙鴉啼數聲

李白西樓眺北樓南樓又占庾江州老夫才地雖然減

也築危樓東海頭

登北樓作

卅載時臺夢今辰眺覽真類然五蒼柏都似六朝人經

有元暉月樓無庾亮塵更應招白也同醉小陽春

是日立春

夜泊小南湖

小南湖畔路舟泊已初更四壁懸星影千灘出雁聲夢
零前夜雨雲識詰朝晴魚鼓敲何急如從枕上鳴

溧陽道中

木橋分西南澗水四邊集人家臨澗好門外水聲急青
山無半里朝爽近堪挹村翁無一事倚杖水邊立見曹
農事竟茅屋飭修葺禽鳥靜不譁深村咏餘粒

溧湖夜望

沿林風轉急紅葉裹歸僧隱隱青山隙迢迢露塔燈夜
雲空際落殘魄望中升十月南湖涸魚龍氣尙烝

題畫

更生齋詩卷第七

一九

留得春風自掩關三層閣上著書閒祇饒碧蘚無紅葉
不使秋冬氣入山

蠡河感舊

挂席去無影夕陽空閉門重經昔時地頻斷昨宵魂檻
折春禽占廊虛暗水吞尙餘煙柳在依約舊衫痕

乘月行攝山道中至朝陽門作

水雲村樹共彎環樹裏人家未啟關正是四更殘月好
騎驢行徧六朝山

南岡北阜界初分遠憶茅濛蔣子文江左名山本無幾
讓他一帝一眞君

過徐中山王墓道有感

難從英辟共功名事過猶令野客驚彭越醢非三尺法
謂藍玉傳 范增疽盡一杯羹
中山病疽特賜鵝炙一臠食之乃卒 龍蟠帝

闕形仍壯夔咏王孫兆已成猶幸開平得前死不然險
欲壞長城

送孫大星衍仍兵脩山左

葛仙祠畔早披襟

在句容訂交

不信居然算景侵兩世逮君

皆皓首

君祖母年近百齡尊甫年已七十五君須髮盡白又數年矣

一生于我伴長

陰知交出處關成數天地分明鑒寸心良史異時商合

傳莫教廊廟媿山林

采石重謁大白樓

枯僧驚爲起蓬關三十年前棹始還身後名輸一杯酒

眼中人隔幾重山

前與孫大同遊今孫大尙留滯吳門

夢留蔥嶺煙雲外

月挂蛾眉香靄間公謫夜郎余更遠得歸公亦代開顏

然犀亭懷古

過江名士竟誰優到死猶爭第一流倘遇可兒先拔舌

早逢英物一開眸孤亭正對天門時百怪將從地府搜

却憶登壇誓師日義旗幾欲指荊州

一事傷心說倚閭求忠于孝果非虛勤王縱使能投袂

將母何因便絕裾休更火犀然穴鼠也應風樹泣臯魚

留寶截髮兒能報羨殺陶家奉板輿

涇縣黃田訪朱吉士瑋曰留宿培風閣卽席賦贈并寄

哲昆觀察理閩中

君家門前溪水足大石寬于百間屋到來三折山已深
鎖徑一橋環碧玉四山蒼蒼合一澗澗水時間不曾見
青松點入紅葉灘時有水雲飛片片溪風蕭瑟溪雨涼
鷗鷺直來問字堂縹緗堆架一何滿山鵲亦聽書聲忙
樓頭讀書日幾回樓上客兩官蓬萊西園子弟盡才俊
作賦險欲追鄒枚一更月出斷厓口却對好山爲置酒
醉向培風閣上眠窗疎不礙看星斗談深復憶神仙侶
橐筆乍完仍叱馭溪山如此不歸來却復看山廈門去
列岫軒久憩

峯巒三面峻都抱讀書堂半夜吟聲苦層霄月影涼偶
懸徐穉榻眞認鄭公鄉他日來相訪門前荷菱香

更生齋詩第七

三

二十二日夜雨曉起見山頂皆白蓋天氣嚴寒山半以
上均已作雪也喜而有作

飛雪不到地祇積高高峯高處亦不停旋轉西北風稜
稜夜半風尤猛東嶺雪仍移北嶺樓頭一白直接天樓
上客眞同坐井清寒入骨難久留北風吹人下小樓衝
寒簾下一杯酒酒色絕似清江流曉風初收晚鐘動山
骨吟肩登高聳圍爐倚酒欲作書飛白先驚入窗孔
復憇松竹塢卽贈陳孝廉寶泉

松竹軒中說授經授經人已久知名詩傳一一鶴聲峭
考比非非國語精墨鯉鏡中浮浪起蒼龍天半怒濤生
闌干月上應無事更掃書堂門酒兵

莫愁湖久憇并謁徐中山王畫象

結綺臨春事久非

湖北卽清涼山臨春綺綺舊址在焉

隔坡樓殿尙依稀

到來海燕棲禪幄運去山龍暗袞衣空館尙餘調鶴地

眞王徒剩釣魚磯

今湖尙屬中山子孫收稅

惟應兒女英雄淚灑向

秋空作雨飛

感賦

年來里中同歲者相繼物故近聞劉舍人召揚亦歿于山左亦同歲之一也感而賦此

流光到眼若飛塵零落知交倍愴神鄉曲苦無同歲友

名場嗤作過時人酬知事每失交臂傳世書仍欠等身

只有壯遊聊自慰記經星海陟昆侖

偶書示友

習尙多年卽一更後生原不及先生好名亦是文人事

不近情人不近名

更生齋詩卷第七

三

楊大令倫劉舍人召揚歸櫬尙未抵里復追悼一首

一作卽官一省曹五旬年命不堅牢管甯死後無龍尾

謝守生前有鳳毛

君爲劉文定少子

學博可曾編說苑愁多先

已反離騷殘秋旅櫬仍難返望斷清江綠半篙

天王堂謠

堂在城東太平興國寺

天王堂中屋不修雨脚總打天王頭耳中穴鼠雀啄眸

力士杵亦隨波流欲修天王堂泥閉天王目一臂天王

已先剥臂落金剛復傷足擡天王出募錢募錢踈挂天

王肩募錢縱多僧醉飽却任天王坐旁倒

以長至日

太和殿早朝詩課院中諸生亦敬賦一

首

鴛瓦千行瑞雪消火城三面集金貂記曾采服趨中

禁特荷

殊恩拜

內朝

至日則百官朝服列班午門外

行禮惟值

內廷諸臣準乾清門階下

萬里烽煙清禹甸

丙辰丁巳長至日皆

得西南

九天音樂奏虞韶觚棱回首眞如夢獨向江村

聽麗譙

萬卷歸裝圖爲孫大賦

每耻前人我不如年來妄念始消除笑君積習偏難盡

尙喜人間未見書

君正褰帷我荷戈買書錢已苦無多丹黃別有三千卷

或可釐君校本譌

更生齋詩卷第七

三

月午樓歌

仙人好居樓樓築青山頭樓居又比山居好入牖居然
拓天表山樓明月不待宵海上月出光先搖讀書聲高
月亦高月午尙覺書聲飄前黃高峯後簪嶺書聲飄壓
四山頂松梢夜半老崔醒崔嵬亦比書聲清樓頭崔影
兼人影樓外雲鋪百餘頃仙人世外無書看聽書日日
來檐端月亦不得落書亦不得完君不見紅闌干前白
玉盤讀倦且把明霞餐

更生齋詩卷第八

陽湖洪亮吉著

北郊種樹集

讀史六十四首

大九州藏小九州大瀛海外水仍流九州各有開天聖
迭柱乾坤到盡頭
啾啾唧唧四邊鳴造字臺邊夜哭聲足見一篇無鬼論
便從上古已難行

一粟先看世界浮女媧搏土不曾休自從未有人行日
玉兔金烏已出頭

魯陽戈已嫌多事第一尤憎后羿弓正要不分昏與旦

懸他十日照寰中

棋家國手說秋儲此局開從允子朱破盡工夫究何用
笑他一著競羸輸

何須刻意別靈頑物物同生宇宙間各有出奇爭勝處
翼填東海擘開山

蠶食何堪四面來陽人負黍踵難回周家八百年天下
末路惟餘避債臺

曉饌牲牢夜擊鮮華堂養士各三千何如五百田橫客
蹈海都同魯仲連

督亢先看具地圖樊于期忽仰天呼燕齊海上多奇士
狗盜要難及狗屠

一椎一筑一七首三客果誰能策勲滄海君來亦無用
先知獨讓瀉池君

開國先愁乏遠圖西都習尙逮東都漢家一代崇虛誕
黃石兵書赤伏符

緣知隆準是真龍白帝先愁試劍鋒功狗已烹高鳥盡
祇留一雉雒深宮

萬卷先從客舍儲撰成八覽紀乘除笑他只善居奇貨
也學虞卿強著書

漢家中葉慶連綿元狩元封國祚延天上歲星來執戟
如何天子不長年

前殿危言批逆鱗後宮恩重亦忘身朱雲折檻熊攀檻

更生齋詩卷第八

二

越顯名臣與美人

蘭茝招魂些續歌楚天萬里不生波願將魚腹詞人弔
文考湘江屈汨羅

宣元以後治優柔況復專朝有五侯正與商君法相反
風官不去嵐姦留

客未登車主候門世家家法已無存史臣倘爲宣尼諱
十四傳中削此孫

烈士傷心古道旁一生曾未值孫陽却看老驥還千里
正負鹽車上太行

法堯禪舜亦家風二十韶年作上公不見露臺曾惜費
偏能全賜蜀山銅

著書空費萬黃金剽竊根源尙可尋呂覽淮南盡如此
兩家賓客太欺心
並世才能識魏公死猶兩女嫁英雄炙雞斗酒無多費
我欲時時酌冢中

大將王常太尉牟嗇夫游徼盡通侯東京人物寥寥甚
卓茂居然冠輩流

同時北海出儒宗邴管仍堪合作龍畢竟漢朝經學貴
黃巾爭拜鄭司農

祖尙元虛自晉賢黃初人物已開先漢家盛日尊黃老
不習南華內外篇

霸業王基並有因轉嫌封拜不酬勲虞侯賜劍燕王刎

恐負難兄付託殷

謂孫大帝宋太宗

東京文格本來卑一字無慚語亦欺不被古人瞞到底
曹娥碑與郭君碑

多金贖女出匈奴友誼曹瞞絕世無愧煞君家五官將
刀頭難赦仲宣孤

聖證篇成漢學亡六書訓詁孰推詳一編難與專門較
杜預春秋寘穀梁

家世何應出阿戎嗜錢鑽核作門風葫蘆塵尾皆長柄
莫哂南朝王侍中

絃歌小邑崑風流一令甯輪督八州強使名賢附華胄
泉明地下亦包羞

江東王氣總綿延
晉宋梁陳代屢遷
只有蔣山惟一帝
居然香火占千年

白雀空矜一世才
新支堡下忽徘徊
回死胡尙嚙生天子
何怪堅頭入夢來

漁人何事舌偏饒
歷數炎精迄本朝
從此桃源不湊古
并知劉石與村姚

虛無上八洞眞僊
稗史新傳委宛編
不信堯時白蝙蝠
能知混沌與開天

已見苻堅過項城
八公霍嘖與風聲
淮南雞犬都仙去
尙剩沿山草木兵

妄思成佛反遭魔
歷劫應知負債多
何必贖身同泰寺

累他臨歿喚荷荷

東生齋集第八

四

武都山接谷軒轅
百頃仇池富水源
不是氐羌來據險
人間此亦種桃園

蕭曹丙魏冠西京
房杜淪亡姚宋生
只有漢唐人物好
中興開國盡名卿

三峯高接華山巔
下視蒼茫幾點煙
不是謫仙人在世
好詩誰敢問青天

胡雛相異兆生時
鐵額銅頭并護持
得豬婆龍死命
僅須一箇李豬兒

中唐風節數韓公
詎止文章一代雄
異類強藩盡低首
主庭湊與鱗魚同

總是滄乘劫裏來唐除丑口呂書何應一落金門第
不作仙人即盜魁

萬羊太尉李文饒食料誰知命所祐日啖半升原作相
何需八百石胡椒

轉覺雙鬟有定評旗亭聲價一時傾怪他九級慈恩塔
徧檢都無李杜名

絕代才人韓致光百篇詩句一奩香虎須將罷吟么鳳
鐵是心肝錦作腸

述怪稽神作語林誰知劫數已相尋冠貂衣紫人如豆
從下南朝徐楚金

年名五代不多時七姓官家盡健兒辛苦九朝長樂老

朝秦鼻楚費支持

更生齋讀金第八

五

魯論半部箇中藏垂老應知亦健忘怪底一朝多語錄
用他學究佐興王

香孩兒事寃堪疑滅迹思將一代欺身上黃袍袖中稿
製成恐不是臨期

百事都嫌強出頭扶乩壇上亦來遊神仙何苦名心重
處處題詩向酒樓

詩案曾留御史臺儉人亦轉歎奇才雄文却要蛟龍助
不枉先生過海來

尙書別有古文傳西蜀才人著太公偕聖亦同非聖例
楊雄梅賾趙師淵

今所傳通鑑綱目實朱子門人趙師淵所作揚以太公擬易趙以綱目擬

春秋與梅蹟換僞古文尙書其罪一也

一成一旅總堪憑萬頃洪濤一葉凌不據西湖據東海趙家端可號中興

儒林道學本同原分傳翻嫌史例繁只我欲書三獨行

石工軍校鄭監門

石工安民殿前軍校施全監安上門鄭俠

萬乘曾爲孤注來惹他讒口一時開契丹西夏非強敵祇覺中原乏將才

七尺終當死報君黃冠南下屬傳聞一編琬璫名臣錄都讓王家生祭文

戴

主恩如戴昊天投荒百日準歸田家風尙愧鄱

陽集雪窖冰天十五年

更生齋詩集第八

六

詩情畫筆號專門三絕雖兼格不尊說到彥回先齒冷更誰人數趙王孫

讀史常侵夜漏餘時時一夢到華胥可知不在青天外竟欲乘風去卜居

都似空中飛鳥過強分名目費編摩試將列傳平心看一代傳人本不多

千日中山醢已嘗便須一鋪冢中藏伯倫死酒非眞死想要逃名入醉鄉

飲啄何須更好名修真先要近人情烹龍魚鳳瑤池讌誰說仙家不殺生

晉代旌陽唐李笙是誰人已得眞旺近來老輩神仙少

數到元時白玉蟾

寓興

一身從何來父母之所昇既須建修名亦以綿世繫受
全歸亦全所係實非細膏然魂魄化仍與親附麗一一
返厥原同歸天與地形骸既速化齒骨朽亦易留貽世
間者不減惟此氣

古人善讀書書亦本來少經年可卒業不必徹昏曉沉
酣六經外祕籍偶探討方書亦無幾素問及本草百二
十國書一一名作寶少纔能肆力多卽難見巧陳編逮
今日富至不勝考所以無用書空資蠹魚飽

天地雖至大物力本不多惟茲樽節心爲能養天和日
食數萬錢遠聞王與何飛走不得逃高下設網羅曾誇
鼈重裙兼詡四足鵝風俗近益奢背峯炙明駝俊味罔
不登搜及燕雀窠末流心竊憂詎敢揚厥波非有求福
心又豈懼譴訶甘受鄙吝名不敢知其佗

學術本一途後乃判釋道魏收寃無識作史列三教三
教中復分十百富名號爭奇仍鬥捷一一欲建效遂令
清淨域無事亦爭剽民生半無業物力因已耗合一縱
甚難何不各守要兼收更非計分路或同到惟求心所
安誓不惑果報

新進喜事人不可位相將持其一偏見遑復計得密紛
然變成法畢竟無一當古來大聖人貴述不貴創周官

不善讀邪說復首唱青苗市易行天地爲播盪巴東亦不免時露好事狀偉哉無口瓢此乃眞宰相

側聞飛仙人上者居列洞騎龍跨鳳外頑石亦能控游行一世間風伯自迎送怡神雖足樂于世究無用况經年五百劫數亦殊重我意不謂然喻糜復時弄空言如有裨後世亦諷誦無爲守丹竈甯可抱酒瓮化人王無功日昨屢入夢沉冥雖已久顏色益飛動醉鄉苦無書爲寫酒德頌

家儲萬黃金或者憂色行乞得數錢陶然樂斯夕賤者未必非貴者未必得置身豐歉外庶不爲物役鍾乳一千兩胡椒八百石縱如彭祖壽亦恐難畢食徒然使

後來笑聲千載劇

東生齋詩卷第八

八

少歲盛意氣不願爲詞人垂老筋骨衰勤力始作文投荒昨歸田松菊僅有存親亡逮卅年兼復鮮弟昆偕老願亦違骨肉滿墓門尙幸一室中不乏子與孫又客偶一歸旨酒又已溫僕婢立我前勸我盡一樽慰勞固多方嘖笑恐未眞欲營山水區庶畢勞瘁身持此一寸心不死期報恩

北轅窮大宛西轡踰棧閣洪河狎蛟蜃滄溟截鯨鰐回思至危境亦卽寓至樂豈惟豁雙眸次亦已拓丈夫處閭巷百事苦束縛終年心賞處僅止一邱壑低瞻慙赤鯉高視愧元鶴甯知轆轤屬天外亦飛落平生無別

嗜有景必披索生當恣游覽死卽安冥漠一世誰寃愚
南山石成柳

束髮事結交良友堪悉數文章與談讌各有投合處立
身復不同分道各馳騫揚雄性沉默遂秀欣世務君看
華與管始合分末路彼此不必非邪正性所賦卽如同
學者意見亦參互王何標理解張趙崇傳注璣稱善名
物曜乃詳訓詁一得皆可傳無須學跬步君看天上星
東西各分布飛何必嗤走赤亦難誚素絕交論亦徧故
者無失故

學術尙周孔治術尙黃老漢家西京前異說不得擾官
皆核名實學亦具師表黃初尙元言配老乃以莊治術
日以頽沿流益荒唐明道崇理學升孟以配孔專門學
益希語錄衍千種寥寥一千年感此風教殊實政罕逮
民私心競師儒誰祀周元公誰讀軒轅書

獨遊水西登煙雨亭久憩追悼朱學士筠江太守恂

壬辰

四月會
同遊此

山城一水環如帶雙塔影飛三里外行人望塔路不迷
斜日已過山城西別來江水依然綠竹樹千尋路千曲
林梢盡處立一亭日氣轉赤煙光青亭危一角驚先拆
使我傷今復懷昔春燕巢空春草枯憑誰更問春消息
當時逸氣橫九垓桃李迎客爭先開甯知過眼若飛電
三客坐處生莓苔卅年舊事愁難再何況風光隔千載

龍徙空山杳莫尋
崔歸華表甯能待
芒鞋已倦蒲帆舉
別意惟同夜烏語
行客多時怨水風
危亭入夢仍煙雨
過水西渡

已作如塵似夢看
殘春曾此一停鞍
能迎三十年前客
只有參天竹萬竿

青弋江舟行

順流轉比逆水難
北風吹水欲上山
風中歸鳥性偏急
逆浪逆風穿樹入
青山影外溪流足
溪水亦輸江水綠
水西明月來水東
却罩一角斜陽紅

夜起

窗櫺高下綠低迷
夜半何人發水西
留得月痕剛一線

却教山鵲盡情啼

夏圭詩卷第八

十

長至後一日消寒第一集諸及門餞余洋川書院之生
雲閣分賦得山樓卽事四首

前宵雨初停濕霧一山皺
白鳥入白雲延回飛不透
樓閣三百家溪流自環繞
澗底出笙歌年豐賽神早
却倚青松樹迤東築小樓
昨宵驚驟冷靈鵲宿牀頭
紅林千百株一夕已無影
山風颯然來巢禽各延頸
蕪湖喜晤張太守祥雲

時攝道事

暫移五馬駐雄關
意外相逢迢往還
同輩漸如秋後葉

異書高比屋頭山人傳
海上魚龍橫

時洋匪在寶山嘉定一帶滋事

我共江千鷗鷺閒濶別十年
重握手喜君青鬢不曾班

荅友人贈梅

一棹欲歸江浦五株誰贈溪梅却掃軟紅塵去安排萼綠華來

港口小泊

濛濛雨細天垂黑白鷺欲將行客嚇眼前風浪轉不驚飛鳥蹈空人蹶實

消寒第二集陳孝廉謄本招遊蕪湖城東沿後湖隄至三昧菴看黃梅作

後湖三百頃煙霧忽微茫寺作前山界隄眞夾水塘瓜分留寓縣

東晉時改蕪湖立襄垣定陵遂適三僑縣

果熟薦空王坐久還成

雨黃梅發古香

更生齋詩卷第八

十一

十五日晚自東梁山移舟至西梁山泊晨起阻雨

東梁山上雲欲作西梁雪移此江南舟過江看落日江十三尺霧又向江南結三更迎面雨隱此當頭月已有曙鵲聲愁霖苦難歇

守風西梁山竟日

雲從西走東頃刻一山出回瞻東梁山復向雲表沒甯惟南下少北去帆亦絕檣烏與林鵲對語較清切荒庵懸隄岸正晝色如漆我倦亦枕書陶然醉終日

舟過蕪湖始聞彭尙書元瑞之訃謹輓一首

不求立異不從同十載追隨彙殿東編集會昌名一品

蓋棺光政贈三公

沒後奉諭旨仍贈協辦大學士

諭旨

升沉總在雲霄上

公自副相降補閣學復擢
侍郎尚書皆直南書房恩怨都銷氣餒中宜惜石渠

天祿署更誰博物此司空

公聞見寬博尤悉本朝掌故一時無兩

十七日晨起北風尙勁書此遣悶

昨宵雨如煙今晨雨如霧多謝西梁山留人三日住咫尺不見娥眉開山溜隱隱喧驚雷明朝未敢望江浦祇願征帆泊牛渚

是日晚抵采石因獨遊三元洞作

西來長江一萬里盡向石竇光中收回頭滄海亦不遠初日欲上潮驚流孤僧聽慣亦不訝枕上長江六時卸長明燈燼已十年空水光中不知夜

夜起登太白樓

更生齋詩第八

十一

準擬宵深秉燭遊然犀亭下泊扁舟青天無月人無酒辜負三更太白樓

十八日早自采石挂帆將抵江甯訪孫大星衍先寄一

篇卽以志別

時將赴山東監司任

今晨挂席思凌空五色已曜帆檣東舵樓繙書未一卷席帽亂捲三山風新晴水面鋪朝旭影外波濤尙如斛艱危歷盡心已平水狎鼉鼉岸麋鹿此時却憶單居使可已乘流向揚子白髮樽前有底忙素心海內無踰此河流雖濁官能清河隄使者憎好名得閒篆仿徐內史好古客呼劉石經功名試問誰能足仕宦我知貧窶樂他時青兗來看山北抵二嶗東岱嶽

十九日早過烈山作

烏江浦口暫徘徊昨日舟從采石開半晌柁樓眠未穩
六朝山已上帆來

十一月二十一日消寒第三集胡戶部稷昆仲邀同孫
兵脩星衍冒雨至小倉山房探梅并留飲小眠齋即
席賦呈並贈袁公子遲

曾見郎君入抱時傳經近復課佳兒古梅似向閒人揖
舊事都應老宦知墩割一隅

袁大令枚郎
葬山房側

埋謝傳錦留

五色付上遲談深紅燭全銷焰門外三更雨若絲

十二月二日消寒第四集李兵脩廷敬招同人集平遠
山房觀宋四家墨蹟卽席同賦

更生齋詩集第八

十三

裝成檣頌荔枝詩尙憶煙雲過眼時

余久客畢宮保署
見所藏宋四家至

二十餘種尤奇者蘓文忠
檣頌蔡端明荔枝詩也

一代傳人原磊落百年真氣

藉扶持寒梅消息遲霜信殘臘心情付酒卮我是庾公
樓上客摩挲故物劇相思

題秦宮人曉粧圖

仙雲如綺復如羅天上新看鏡乍磨錯認廣寒宮小集
一輪圓月一恒娥

李兵脩以會勘江浙地界泛海至羊山信宿公事畢繪
泛海圖屬題率成長句以正

一帆出海何飄然五百甲卒藏戈船帆檣解與潮勢鬥
五色幢上蛟龍纏竿梢時浮復時沒蜃氣回環一山出

海風吹人若步虛却及島中方履實誰言海外一事無
文案積若牛署粗經時履勘事甫竣瞰海絕壁如浮圖
故人尙有洪厓在挂席何應不相待請公別買一葉舟
我亦時來看東海

初四日消寒第五集李明經筠嘉招同李兵倫廷敬何
徵君琪陸孝廉繼輅林鎬儲桂榮楮華李學璜鮑熙
改琦徐棠諸文學並鐵舟上人吾園小集時余以明
日旋里諸公皆卽席賦詩相餞醉後率荅一篇卽以
留別

一宦引一客閑步汀西頭汀西閣上人一一如眠鷗元
裳丹頂時窺牖坐崔居然戀紅袖有時合隊出探梅七

夏生詩卷第八

十四

尺亭亭影俱瘦簾前新月輝簾外疎梅開春人結束登
春臺鼓吹復從門外來主人約客排宵讌落日暉暉坐
中見陸郎年少飲亦豪十七人中稱竄健香巖儲高詠

竹圍鮑歌激得閣外生回波就中匿笑何春渚七十風

懷尙能補坐中有歌者四人解衣作畫改七薌我亦石上題殘

忙鐵舟開士詩才逸畫筆年來亦如鐵謫仙開衙東海

頭好客絕似劉荊州穀人詞老梅村叟前後可稱雙祭

酒時遲吳祭酒錫微嫌病酒及十旬明歲花開可來否

一更飛觴至二更坐上客始連翩行吳濛歸路不知數

幸有導騎持燈迎君不見新知雜故知卜晝又卜夜三

更未醒船已行挂席當從蠡河卸

鐵舟上人邀至南園早飯

晨餐未了午雞啼好客應知劇孟齊

上人坐上一人客嘗滿

一味孤

行窻相稱公參玉版我黃壺

舟過昆山有感徐司寇乾學王司農鴻緒舊事率賦二

絕句

傳是樓空水榭荒百年先已感滄桑早知身後名皆在

何必師生軋百塲

司寇奉司農明史稿皆係可傳之書

命所修一統志及

人言太僕繼南豐微覺前賢面目同我讀亭林居士集

不求工處自能工

初七日消寒第六集瞿應謙別駕攜酒招遊虎丘久憩

生公石時宿霧漫山飲畢不見一人悵然而返分賦

得石字

山僧啟山關驚出雙逸翮甯知攜榼者先已候門隙僧

寮雖未啟已布行客席樓臺丹碧影裏此寒霧白三載

偶一來爲歡感今昔兼攜亡友句

時適攜亡友遂甯久張開簪詩爲閑定

憇生公石同儕攫世事一晌閒不得

時待諸同人並不

千人石

上苔寥寥坐雙客

臘八日破曉過錫山作

山雨接天白破寒溪上來北風吹別袂南酒勸銜杯宿

鳥依林顫驚魚蹴浪回呼僮泛膏粥聊賞膽瓶梅

先隴側形家言尙有昭穆二穴因以昭穴葬亡婦而舍

弟冢適被水漂遂遷葬于穆穴自此先隴已無隙地

他日子姓不得更附葬并作此詩以爲戒約暇日復課兒子等添種松百本作籬衛之庶幾封殖之義云爾

憶從葬西原子姓殊不少一輩課十株佳柯已繚繞冬青女貞樹墳道藉以表東南離百步溝水成曲沼春到上冢船鄰鄰碧波小經營三十載齒髮慙已老無貽地下羞吾行倘堪保

十步依我祖五步依吾親料量松柏株芟此荆與秦石几清且修藉以列俎尊吾弟近亦遷庶免水嚙墳弟家嚙墓門爰遷祔穆穴全家骨肉多鬱鬱滿墓門統計一室中誰亡復誰存恒榦有自來吾以還二人

逐臣西戍日卜冢渾河源回頭蔥嶺高萬仞瞰北原豈知螻蟻微竟荷天地全荷戈復歸來衣敝履亦穿得祔先隴旁此事豈偶然願旣遂首邱萬念盡可捐所慙德未酬以勗子與孫

憶昔初結襦白雲溪畔室追隨三十載亦旣衣翟裼一朝人事改丹旄屋頭設明明同命者今日乃獨活忍心奚若此委彼在林樾翁姑歲時饋地下冀修潔却待松有濤吾行亦歸骨

十七日消寒第七集楊上舍槐招同趙兵備翼莊宮允通敏劉宮贊種之金太守聚方明府寶昌早飯石竹山房復至秦園茶話始別分體得五古一首

春筍未及抽石竹已成列草堂花氣暖無異讌春日主
人工治饌厨婢亦修潔溪魚及園韭日昨已梳剔樽羅
會稽釀盤滿洞庭橋甯惟充口腹志意亦怡悅尤欣嘉
會早讌罷日方晷復有縮地方秦園茗堪啜

宅北有茶亭仿錫山

秦園
爲名

更生齋獨坐

更生齋獨坐俗客無一到圖書堆滿案藉以拓褰抱主
人五十八始覺有白須蓋棺無幾時所幸樂有餘前時
葬山妻日昨哭亾友平茲萬古愁庶藉一杯酒林梅旣
寒香水仙亦幽姿呼兒開甕頭屈指當祭詩

讀歸方伯景照猶女佩珊詩冊率跋一首時聞方伯已

從戎所旋里卽以寄之

每詡矯兒筆陣道憶偕臣灶戎西郵李騰空仙不旋踵
段秀實歸仍戴頭種樹經曾攜萬里

方伯在塞外時簪菊種至數百

花格已定千秋東山絲竹真堪慰各有深閨侍唱酬

過白土鎮

古縣華陽驛前朝白土鄉剩坡餘臘雪微雨出朝陽月
向嶠頭墮人從驢背忙盤殮思往事

乙未冬過此本鎮茂才紀開旭以盤

殮斗酒
見餉

頻問讀書堂

青元觀

仙人高臥處

觀後卽葛仙翁大家

一卷亂雲飛列闕眞如峙蒼松

相與依鵲靈朝語警霍古道身肥法侶來迎客仍穿禮

斗衣

重至句容展亡友王廣文吉士殯率賦一篇卽呈令兄

司馬周南理問斗南

卅年不到華陽岡岡南栢栢都已蒼縣中老友誰更健

腹痛寃憶西頭王

與令兄周南分居東西宅

當時賓從頻來往修竹

山房及西舫漫士心情沈隱侯校官風度王元長騎驢

已倦牽車來醉客何止三千回澹香吟屋賦詩處采筆

一一埋青苔

朱茂才鏞及令姪璐暨駱秀才三奇均已下世

孫郎遠宦鴻河口

我亦荷戈天外走前時白袷諸少年相對各驚成老醜

青元館前訪葛仙更向鳥翅岡頭眠三峯遠復有前約

時將遊茅山

道士待客排雙筵城南欲別頻回首復挈城西

草莽酒一杯酌爾應快心生友竟堪成死友

臘月十九日消寒第八集王司馬周南招宋學博保暨

令弟理問斗南文學簡可陪遊獨崔山莊看梅歸飲

修竹精舍卽席賦贈分韵得莊字

三十年來事渺茫塢中藤蔓屋頭桒何期句曲羣仙會

時話西清舊事

月邊靑女

重醉先生獨崔莊天上黃人曾捧日

時話西清舊事

月邊靑女

自飛霜遲眠緩步消餘酒嗅盡寒梅樹樹香

二十一日自句容沿破岡瀆抵綠野村裴主政暢招同

楊文學鳳翔暨小阮中翰錡上舍鍼集金粟山房作

消寒第九集并約明日同遊茅山卽席分體得長短

句一首

我飲秦淮水欲覓秦淮源荒岡百折走不盡側耳已聽
流聲喧未遵赤山湖先逢破岡瀆古澗寒流三尺足其
上莓苔蓋深綠關心七日卽小除爆竹響已盈衢途年
殘只我無一事尙向山腹搜竒書道人相貽綠玉筇一
笑欲上高高峯甯知遊興昨方發大茅山頂雲先紅招
邀伴侶皆踈散祀竈黃羊亦充饌饋歲人貽赤鯉魚經
時我啖青精飯主人頻開綠瑩堂更約入夜傾千觴一
門羣從悉來謁問我何事投遐荒遐荒萬古風沙集我
感 君恩仍雨泣不是天邊早 賜環何能地上

周遊屐陶貞白葛仙翁拍手空際欣相逢神仙大半遊
世上宰相亦復居山中清涼境地眞殊絕一樹寒梅一

甌雪我向梅花樹下眠羅帷夜半飛明月

遊裴氏園亭

深澗遊魚五色小樓乾鵲千聲寒日欲斜松阜亂雲已
暗山城

破岡瀆夾岸皆栽桃裴明經鍼于此送別更約花時復

遊因作此贈之

破岡瀆後亂山多結屋欣看傍澗阿此是碧桃花世界
不妨開日更經過

入茅山自黃仙墓至乾元觀宿

死非死生非生黃仙蛻處還留瑩出不出處不處宰相
居山究何補平生不解陶華陽念念都欲縈君王惟餘

一事差快意愛聽千尺松聲涼宦途不礙神仙境句漏
旌陽兩仙令但使能修駐景方周妻何肉都非病我來
依茅岡咫尺鄰荒墳山風蕭瑟溪水溫夜半白狼來叩
門

山北尋老君垂雲諸洞

半月西已墮半月東復升團團滿月光莓苔結三層一
洞嵌碧月一洞垂紫雲紫雲欲下倏復上離地驚看不
盈丈高低元氣若吐吞一朵突出驚當門其餘一朵復
一朵忽若雕盤貯新果朵朵雲盡處叩石鐘復有雷鼓聲
隆隆君不見靈中飛雲亦已竒此洞何止雲能飛洞中
英英鋪不足却惹生雲夜來宿

乾元觀夜起乘殘月看梅

萬夢初醒處回廊歷幾周好花紅蝶背新露白烏頭徑
轉風千尺簾斜月一鉤是誰喧客耳春水竹中流

宿乾元觀有懷孫兵脩星河

百轉千回歷鬱岡踰驢前事渺難忘曾攜天上神仙侶
來憇山中宰相堂今日故人分出處更憐餘子半存亡
乙未冬同遊者兵脩外爲林公子
崇緝與及門鄭聯華今均已下世
蓬萊海水都清淺書
以陶貞白爲蓬萊
都水監故及之畢竟誰尋駐景方

張太守鳳枝謫戍伊犁以愛姬冉寄其姊榮陽令署華
太君處越歲太守札致太君偶不及姬姬本思憶成
病復因是銜恨遂雉經卒太守自戍所還傷之屬賦

此詩

繁臺幾化望夫山却待征人久未還情到死生何以報
揮殘老淚入陽關

七千里外別銷魂

姬貴州人

十五年前誓尙存郎不薄情儂

薄命再生端欲入空門

地府永埋千載恨天山不寄一行書傷心三尺生綃影
入夢多時尙未除

索嶺盤江歎遠官相隨幾見月團圓定情金縷裙猶在
招向空箱不忍看

東坡南海公西海算雨朝雲夢總空寂莫小桃墳上樹
異花猶染淚珠紅

百八生齋詩卷第八

三

魂小仍隨油壁回憶郎門向裏河開築他燕子樓千尺
供養平生畫像來

瞥見驚鴻影未真

在貴陽日太守曾喚姬出拜

青綾步幃動遊塵多

應平視劉公幹爵作新詩悼洛神

尙有西臺讞案存誓心終不出侯門九原若遇河陽令

謂陳大令熙

滿時亦久卒更欲低頭拜昔恩

小除日更生齋招諸同人祭詩

年殘風雪寒良朋悉遄歸如何未入春石砌已墮梅東

西比鄰中雅有數子才招來更生齋相與銜深杯諸君

盡華年感我草景催送客復入門晴陽尙暉暉

趙司馬懷玉自山左奔喪歸同官贈以一舟至清江浦

渡河膠敗舟圻八口幾至覆沒以救得免司馬作厄
解自嘲并索余一詩記事

大舟戕戕高百尺敗久無人肯相索先生途窮欣得之
輦致妻孥及書策忙中方渡天妃聞意外忽趨河伯宅
無端突起尺一波竟敢馮陵四千石

兼攝本都

馮生詎欲謂

陽侯展氏不關多隱慝艙無阿堵物堪羨舟有辛餘靡
亦圻郎君幸免魚頭戴如願本從龍窟得篙工舵手聲
齊奮撒網持鉤拯亦亟微軀險欲爲人鮓定例并須援
嫂溺孤兒一日三番哭水厄仍兼絕糧厄推量其故亦
可曉至寶隨身遭迫逼龍神要看瀧岡碑鮫府思按辟
雍刻不然畫寶吳道元或者字藏黃魯直遭風濕米考

自之齋詩集卷八

三

竟升落水蘭亭價誰敵評書既貴屋漏痕佞佛本當衣
壞色但令釜底不生魚何必篋中長貯帛罷官尙飲八
閘水助葬誰貽一船麥可憐剩有朝衫綠亦復染成天
水碧窮經先已集坎埴讀禮還遲卜窀穸曝日神方時
輻僂見星歸路難匍髮膚未毀具天幸妻子得全容
衆力王楊盧駱半遭此

君會刊唐四傑集

才大例須沉澤國先

生盛名亦不減一死何妨塞其責卽令萬一免沉淪從
此尤應斷縑墨如何更不思愆咎更準解嘲成解嘲君
毋更以性命戲勢必重遭神鬼劾一官青社旣偃蹇三
載聖廬須簡默仍愁溺後陸士龍照見麻衣笑聲劇

